



Ljetovanje djece i mladih na Boračkom jezeru, u općem smislu, predstavljalo je kontinuitet realizacije važnog programskog cilja Udruženja i uspješne saradnje s Odredom izviđača „Neretva“ Konjic.

### **1. Ostvarenje ciljeva ljetovanja**

(1) Opći: Učesnicima je omogućen aktivan i koristan boravak u prirodi.

(2) Posebni: Planskim aktivnostima, ljetovanje je kod učesnika doprinijelo razvijanju drugarstva i prijateljstva; smisla za kolektivni život i rad; vjerskoj i etničkoj toleranciji; pozitivnim moralnim osobinama; patriotizmu prema domovini Bosni i Hercegovini i, stjecanju korisnih znanja i vještina.

### **2. Pripreme za ljetovanje**

Pripremama za ljetovanje obuhvaćene su slijedeće aktivnosti:

- izbor termina ljetovanja i davanja usluga;
- utvrđivanje broja i strukture učesnika;
- anketiranje stipendista Udruženja za učešće na ljetovanju;
- izrada Okvirnog programa ljetovanja s pratećim dokumentima;
- izrada Plana priprema za organizovanje ljetovanja;
- pozivanje organizacija/ustanova za učešće na ljetovanju;
- ugovaranje s davaocem usluga na ljetovanju, i
- ugovaranje prijevoza za članove Udruženja.

### **3. Organizacija ljetovanja**

Ljetovanje je organizovano prema slijedećim aktima i dokumentima:

- Odluci izvršnog direktora o pripremi i organizaciji ljetovanja;
- Ugovoru o organizaciji ljetovanja;
- Pravilima ponašanja učesnika i
- Obavezama i odgovornostima pratilaca (vođa) grupa.

### **4. Vrijeme realizacije ljetovanja**

Ljetovanje je sprovedeno u periodu 08 – 22. juli 2010. godine, u dvije smjene, i to:

- I smjena od 08. do 15. jula, i
- II smjena od 15. do 22. jula

### **5. Sastav i broj učesnika**

Ukupno je u I i II smjeni na ljetovanju boravilo 230 učesnika, prema slijedećem prikazu:



Br.	Naziv organizacije/ustanove	Broj učesnika	Napomena
1	Udruženje „Obrazovanje gradi BiH“	98	Uključen 1 dan učesnica projekta psihosocijalne rehabilitacije  Tokom smjena bila su 22 neplanirana dolaska u kamp i odlaska iz kampa
2	Udruženje Savez Roma Sarajevo, Sarajevo	11	
3	Udruženje ORI „Budi mi prijatelj“, Visoko	18	
4	Zavod Bakovići, Bakovići	12	
5	Centar „Duga“, Novi Travnik	13	
6	Zavod „Drin“, Fojnica	15	
7	Udruženje „Oaza“, Sarajevo	19	
8	Udruženje za održivi povratak Podrinja, Zvornik	34	
9	Odred izviđača „Neretva“ Konjic	10	
<b>Svega:</b>		<b>230</b>	

## 6. Rezultati ankete

Analizom sprovedene ankete sa obje smjene došlo se do slijedećeg:

**Na pitanje: „Šta ti se najviše sviđelo na ljetovanju?“**, karakteristični odgovori su bili: -

- drugarstvo, disciplina, priroda, organizacija života u kampu, hrana, izviđači, jutarnje vježbanje,
- organizacija ljetovanja, druženje, nova poznanstva, disco, plaža, plivanje, šatorski smještaj;
- što nije bilo predrasuda, naročito prema osobama sa posebnim potrebama;
- upoznavanje učesnika različitih vjerskih uvjerenja i jednakim tretmanom svih učesnika.

**Na pitanje: „Šta bi promijenio/la ili uveo/la na ljetovanju?“**, karakteristični odgovori su bili:

- produženje ustajanja do 08,00 ili 08,30 i večerja do 24,00 sati;
- neuvažavanje našeg mišljenja i strog režim (učesnik šesti put boravi na kampovanju);
- uvođenje tople vode za popodnevno tuširanje i da WC-i budu uredniji;
- da se kupanje ne obavlja na Velikoj plaži;
- da se više radi na sprječavanju neodobrenih izlazaka iz kampa poslije 24,00 sati.

## 7. Troškovi ljetovanja

Ukupni troškovi ljetovanja uključujući smještaj i ishranu, prijevoz učesnika Udruženja, nagrade volonterima iznosili su 24.836 KM.

## 8. Zaključak i ocjena

Pripreme, organizacija i realizacija ljetovanja, uz slabosti ispoljene kod naprijed navedenih grupa, ostvareni su s visokim stepenom odgovornosti, u skladu s Okvirnim programom ljetovanja i drugim planskim dokumentima. Sudeći prema općoj atmosferi kakva je vladala među učesnicima, njihovim utiscima o sadržaju aktivnosti, kvalitetu odnosa i izraženom interesu za učešće na ljetovanju naredne godine, ljetovanje na Boračkom jezeru se može ocijeniti ocjenom vrlo dobar.